

Jienastit välljimijn 2010

Ragátmáno 19. b. I välljim rijkabievijda, kommuvna- ja lánndadigge-fábmoduvvamij.

Gut oadtju jienastit?

- Vaj oattjo jienastimriektáv rijkabievijda de hähttu árrót svieriga viesajdiddje, hähttu állim 18 jage mañemusát välljimbiejve ja soames bále árrum tjáledum Svierigin.
- Vaj oattjo jienastimriektáv kommuvna- ja lánndadiggefábmoduvvamij de hähttu árrót tjáledum kommuvnan/lenan ja állim 18 jage mañemusát välljimbiejve. Jus la viesajdiddje ietjá rijkan gá Svierigin, Europa Uniávná siebrulasrijkajn, Vuonan jali Islándan de hähttu árrum tjáledum Svierigin gálmma jage avtelt välljimbiejve ávddála.

Da diedo ma duv birra gávnnuji álmuktjáledimen 30 bieje välljimbiejve ávddála mierredi jus ja gánná dán oattjo jienastit.

Jienastimkárta

Gájka gejn la jienastimriektá oadtju jienastimkárta pávsta baktu mañemusát bárggemáno 31. b. Dákkir la dat! Jus dán illa oadtjum jienastimkárta jali jus la dav láchppám de máhta oadtjot ádasav kommuvnas jali Válljimfábmodugás.




Náv dagá välljimsiedilij

Válljimsiedila gávnnuji gájka sajjn gánná máhta jienastit ja belludagáj lunna. Válljimsiedila rijkabievij välljimij li visskada, kommuvnafábmoduvvama välljimij li vielggada ja lánndadiggefábmoduvvama välljimij li lahte.

Le gálmma tjerda välljimsiedilij:




- Válljimsiedila goappátjagá belludaknamáj ja kandidáhtaj. Jus dakkirav aná de máhta jienastit sierra ulmutjij.
- Válljimsiedila belludaknamáj valla kandidáhtaj dagi. Da gávnnuji ber muhtem belludagájda ja máhta dajt adnet jus sidá jienastit ber belludahkaj.
- Válljimsiedila belludaknamáj dagi jalik kandidáhtaj dagi. Dajt aná tjálátjit belludaknamáv jus álla välljimsiedila belludahkaj masi dán sidá jienastit. Tjále belludaknamáv náv tjelgugit gá máhttelis.

Dán jienasta ávdemusát belludahkaj. Jus sidá sierra ulmusj belludagá kandidáhtajs galggá välljiduvvat de máhta sunji sierra jienastit. Gá jienasta sierra ulmutjij de bieja ruossav nieljet-jiegagij kandidáhta namá ávddálin välljimsiedilin. Dán oattjo ber avta kandidáhtaj jienastit.



Id-gehtjadibme

Dán hähttu duodastit ietjat identitehtav vaj oattjo jienastit. Jus välljimbargge e duv dábdá de hähttu vuosedit id-ássjepáhppárav, bv. vuodjemkárta, pássav jali virggelegitimasjavnáv. Jus dujna ij la id-ássjepáhper de ietjá ulmusj máhta duv identitehtav duodastit - valla dat ulmusj hähttu vuosedit id-ássjepáhppárav.



Dánna máhtá jienastit

Dán máhtá jienastit juogu de välljimlanján välljimbiejve jali ávddál ájge.

Jienastit välljimlanján välljimbiejve ragátmáno 19. b.

Dán máhtá jienastit ber dan välljimlanján mij tjuodtju duv jienastimkártån. Danna aj tjuodtju välljimlanjá adrassa ja gallen la rahppot.

Lanján li affisja ma vuosedi gák jienas.

Jienastit ávddál ájge ragátmáno 1. b. rájes

Dán háhttu välldet mañen jienastimkártáv gá jienasta ávddál ájge.

Dát gávastahka vuoset le ladnja gánná máhtá jienastit ávddál ájge. Máhtá árrót bv. kom-muvnnakontávrrá, skávllá jali girjjevuorkká. Lanján li affisja ma vuosedi gák jienas.

Dán máhtá oadtjot diedojt gánná jienasta ávddál ájge Välljimfábmudagá webbabeles www.val.se jali kommuvnas. Jus jienasta ietjat hájmmakommuvna álggolin ja sidá jienastit sierra ulmutjij de háhttu välldet mañen välljimsiedilijt vaj máhtá jienastit belludagá kandidáhtajda ietjat hájmmabájkes.

Jienastit ávdástiddje baktu

Dán máhtá jienastit ávdástiddje baktu jus la skibás, sáhtus jali vuoras ja i iesj besa mannat lanján gánná máhtá jienastit. Dán iesj gárveda ietjat välljimkuverajt, valla ietjá ulmusj dajt guodá duv välljimladnjaj jali dan ladnjaj gánná jienas ávddál ájge. Ávdástiddje máhtá árrót bv. beraj jali ulmusj hájmmadievnastusás. Jus oattjo pávstáv dáfopávsstáguoddes de sán máhtá árrót ávdástiddje.

Vaj jienastit ávdástiddje baktu dán dárbaaha sierra materiálajt majt dinggo kommuvnas jali Välljimfábmudagás. Jus sidá jienastit sierra ulmutjij de iesj háhttu ássat välljimsiedilijt kandidáhttanamáj.

Jienastit álggorijkan

Dán máhtá brevvajienastit álggorijkas svieriga ambassádan jali svieriga konsuláhtan. Vaj brevvajienastit dán dárbaaha materiálajt majt dinggo Välljimfábmudagás. Jus sidá jienastit sierra ulmutjij de iesj háhttu ássat välljimsiedilijt kandidáhttanamáj.

Ienep diedo jienastime birra

Välljimfábmudahka Tel: 020-825 825 (álggorijkas: +46 8 635 69 00)

Webbabielle: www.val.se • E-pávsstá: valet@val.se

Kommuvnna: Aktavuohtadiedo gávnnuuj jienastimkártån

Lenastivrra: Aktavuohtadiedo gávnnuuj jienastimkártån

VÁLDE
MADEN!




Här kan du
förtidsrösta

 Valmyndigheten

4



5



6

